



ՄԱՅՐ ԱԹՈՌՈՒՄ

Մայիսի 23-ին՝ հինգշաբթի.— Խօր 3ի-
նանց: Համբարձումն Քրիստոսի.

Մայր տաճարում պատարագեց հոգ. տ.
Գևորգ վրդ. Սերայդարյանը և քարողեց
«Համբարձաւ Տէրն մեր յերկինս» ընթանով:
Հավարտ ս. պատարագի կատարվեց մաղ-
թանք՝ հայրապետական Աթոռի Սահց ս. էջ-
միածին փոխադրութեան հիշատակին, հան-
դիսադրութեամբ գեր. տ. Հայկազուն արքեպ.
Արրահամյանի:

* *

Մայիսի 25-ին՝ շաբաթ.— Ռուս եկեղեցու
պատրիարքարանի հրավերով Մայր Աթոռից
Մոսկվա մեկնեց հայ եկեղեցու պատվիրա-
կութունը՝ գլխավորութեամբ գեր. տ. Հայ-
կազուն արքեպ. Արրահամյանի, մասնակցե-
լու համար ռուս պրավոսլավ եկեղեցու պատ-
րիարքական Աթոռի վերահաստատման հիս-
նամյակի տոնակատարութիւններին: Հայ ե-
կեղեցու պատվիրակութեան մուսա անդամնե-
րըն էին՝ Ռուսաստանի հայոց թեմի առաջ-
նորդ գեր. տ. Պարգե Կալս. Գևորգյանը և ս.
Գեղարդի վանքի վանահայր հոգ. տ. Նարեկ
վրդ. Շաքարյանը:

Մեկ շաբաթ Մոսկվայում մնալուց և տո-
նակատարութիւններին մասնակցելուց հե-
տո, հունիսի 3-ին, երկուշաբթի օրը, հայ ե-
կեղեցու պատվիրակութունը վերադարձավ
Մայր Աթոռ:

* *

Մայիսի 26-ին՝ կիրակի.— Է կիր.: Երկուրդ
Մաղկազարդ.

Մայր տաճարում պատարագեց հոգ. տ.
Գևորգ վրդ. Սերայդարյանը և քարողեց «Մե-
ծահաղ ալս խորհուրդ աւանդութեամբ առ
մեկ հասնալ» ընթանով:

* *

Հունիսի 1-ին՝ շաբաթ.— Հոգեգալստյան ս.
պատարագ մատուցելու նպատակով գեր. տ.
Հուսիկ Կալս. Սանթուրյանը, իրեն ուղեկից
ունենալով բարեշ. Գրիգոր սրկ. Բունիաթյա-
նին, Մայր Աթոռից մեկնեց Լենինական:
Գեր. սրբազանը կիրակի օրը, հունիսի 2-ին,
ի ներկայութեան հոծ բաղմութեան, Լենինա-
կանի ս. Աստվածածին առաջնորդանիստ ե-
կեղեցում մատուցեց ս. պատարագ և քարո-
ղեց «Զի եթէ ես ոչ երթայց, Մխիթարիչն ոչ
եկեսցէ առ ձեզ. ապա եթէ երթամ, առաքեցից
զնա առ ձեզ» ընթանով:

Երկուշաբթի օրը, հունիսի 3-ին, տ. Հուսիկ
Կալսկոպոսը վերադարձավ Մայր Աթոռ:

* *

Հունիսի 2-ին՝ կիրակի.— Հոգեգալստ
(Պենտեկոստէ, յիսներորդ օր ի զատկէն).
Մայր տաճարում պատարագեց և քարողեց
հոգ. տ. Արսեն վրդ. Բերբերյանը:

* *

Հունիսի 9-ին՝ կիրակի.— Ա. կիր. Զկեի հո-
գեգալստեան: Սկիզբն Յարութեան կիրա-
կէից: Յիշատակ Նիդայի մարգարէին.

Մայր տաճարում պատարագեց արժ. տ.
Հովհաննես քհն. Մարությանը:

* *

Հունիսի 10-ին՝ երկուշաբթի.— Տօն Սրբոց
կուսանացն Հովփսիմեանց.

Ս. Հովփսիմեի վանքում պատարագեց
վանքի վանահայր հոգ. տ. Պողոս վր. Նշան-
յանը: Քարողեց գեր. տ. Հայկազուն արքեպ.
Արրահամյանը:

Հունիսի 11-ին՝ երեքշաբթի.—Տօն Սրբոց
կուսանացն Գայիանեանց։

Ս. Գայանեի վանքում պատարագեց արժ. տ. Նշան քհն. Բելլերյանը։ Քարոզեց հոգ. տ. Գևորգ վրդ. Սերայդարյանը՝ «Անձինք նուիրեալք սիրոյն Քրիստոսի» բնաբանով։

Հունիսի 13-ին՝ Հինգշաբթի.—Տօն Սրբոյն
Յովնանեոս Կարապետին և Աթանագիենայ եպիսկոպոսին։

Ս. Շողակաթի վանքում պատարագեց արժ. տ. Հակոբ քհն. Հակոբյանը։

Հունիսի 15-ին՝ շաբաթ.—Տօն Սրբոյն
Գրիգորի Լուսաւորչին մերոյ ելն ի վիրապէն։

Մայր տաճարում, Իջման ս. սեղանի վրա, պատարագեց հոգ. տ. Մուշեղ վրդ. Պետիկյանը։

Հունիսի 16-ին՝ կիրակի.—Բ. կիր. Զկնի
Հոգեգալստեան։ Տօն կաթողիկէ ս. Էջմիածնի։

Մայր տաճարում պատարագեց հոգ. տ. Գևորգ վրդ. Սերայդարյանը։ Քարոզեց գեր. տ. Հայկազուն արքեպ. Աբրահամյանը։

Հավարտ ս. պատարագի կատարվեց մաղթանք՝ հանդիսադրութեամբ գեր. տ. Հայկազուն արքեպ. Աբրահամյանի։

Հունիսի 18-ին՝ երեքշաբթի.—Լոնդոնի ս.
Սարգիս եկեղեցու հոգևոր հովիվ հոգ. տ. Արսեն վրդ. Բերբերյանը շուրջ երկու ամսվա արձակուրդով Մայր Աթոռում մնալուց հետո մեկնեց իր պաշտոնատեղին։

Հունիսի 23-ին՝ կիրակի.—Գ. կիր. Զկնի
Հոգեգալստեան։

Մայր տաճարում պատարագեց արժ. տ. Հակոբ քհն. Հակոբյանը։

